

KEI NGA KURA NUNUI.

Tokorua nga tamariki o Te Pihopatanga o Waiapu kei te Kura nui (University) i Christchurch. Ko te tamaiti tane matamua a P. Peneti, Minita me te tamaiti a H. M. Te Awarau o Waipiro Bay. Ko te tamaiti a Peneti kei te whai i tetahi taitara mona mo nga mahi hiko (Electric Engineering) ko ta Te Awarau kei te whai i nga matauranga mo te taha roia. Tokorua enei tamariki he toa anake mo te purei whutu-paoro. I te pureitanga ki nga tamariki o Ahitereria na raua anake nga paina mo Nu Tireni. Ka rua nga tau o ta Peneti tamaiti ki reira a e toru nga tau e tae ana katahi ano ka paahi. Ko ta Te Awarau ka kotahi tau ki reira, a e toru e wha ranei tau kei muri ka paahi ai. He mahi taumaha te rapu i nga taitara mo nga turanga i roto i nga kura o te matauranga. Kua maha enei tau e noho noaiho ana nga tamariki Maori kaore i hiahia ki te haere ki nga kura nunui. Katahi nei ano ka whia atu enei tamariki i era huarahi. Ko te tumanako kia tokomaha o a tatou tamariki e haere i era huarahi. Ko te whai uaua ki etahi kei te nui o te utu. Neke atu i te £100 i te tau e pau ana mo era kura. Enei tamariki e noho mai nei inainei i te University ko tetahi wahi o nga raruraru kei te Kawana-tanga, Nareira mehemea tera ano etahi tamariki kua paahi i te Matriculation i tenei tau a e hiahia ana ki te haere ki tetahi Kura nui, whakaaturia ki to Mema fo hiahia, tukuna mai ranei he kupu ki te Etita o Te Toa Takitini a mana e whakaatu nga tikanga.



Nga Rongo Pakanga.—Kaore i te mohiotia te ra e maranga ai ano he pakanga ki Karipori. Kua kaha rawa te whakamanamana o te Taake. Kua tae huna atu nga purepo a te Taake ki nga tahataha o te moana i Karipori. E whakaarotia ana kei te hui te Taake, te Tiamana, te Ruhia ki te whakahaere i tetahi kotahitanga mo ratou hei pakanga ano ki te Kotahitanga o Ingarangi, o Wiwi me era atu iwi. Kanui te raruraru o nga whakahaere o te ao i enei ra.